

1. Հայր Աստված, օրհնում ենք Քեզ Քո Որդու անունով,
 Խնդրում ենք հայրական սեր և օրհնություն:

Միմիայն Դու ես Աստված երկնքում, երկրի վրա,
 Արարիչ տիեզերքի, մեր Տեր և Թագավոր,
 Քո Հոգով շրջիր մեր մեջ ու մեզ կյանք տուր:

2. Հիսուս Քրիստոս, ճշմարտություն բխող Սիրո աղբյուր,
 Սիրում ենք, պաշտում ենք Քեզ հոգու խորքից:

Քո մահով տվեցիր կյանք, ազատեցիր մահից,
 Փրկիչ մեր, տառապեցիր՝ մեղքը մեր կրելով,
 Քո Հոգով ազատություն, ով Տեր, մեզ տուր:

3. Հարազատ երկինքը բացվել է մեր առջևում,
 Հայր Աստված կրծքին է սեղմել Իր Որդուն:

Դու միայն արժանացար բանալու կնիքն այն,
 Խաչվեցիր, ինչպես դատապարտված մի մեղավոր,
 Հեզությամբ խոնարհվեցիր Քո Հոր խոսքին: